

Kimochi - Okio Mreho - Salvation Scriptures

WaEfeso 2:2 Muwehendekye mukuwode naho kui wuitiki wo wuyana wo kiiwulalu kya wuyana wu na wo moapfinya aiapfinya mumuyonyi, nyio mowereu ulya echikupaya na wandu walaidikye na wulalu da.

Matayo 6:10 Wumangi wopfo wuche. Iso ukundi chando shekewutika kulya ruwehu, na kunu orukenyi shiwewa shido.

Luka 22:42 "Hoi Wande, kokukundia, njashuo kirahu-ki, kyaindi kilahendeke channdo inyi njikundi, shile chando ukundi iyo."

Yohane 16:7-9 Na inyi ngamuwia kya lohi, Ili njihenda nyo mokuwutyaho kiira.

Kyamba kokoya ngada njilahenda Mkarishi ulya echimchea nyopfo. Indi kiheri ngamaa ishika njechimduma konu. 8 Nao kamcha nyi echitoromisha wuyana wu kya wunyamari na kya wuhorotsu na kya mwanduye fo Ruwa. 9 Kya wunyamari nyi ili Walanjiidikya inyi;

2 Timoteo 2:10 Nkyo kitewe ngakutirisia njekaa shi ya shose kimaduma kya wasambure walya wa Ruwa, kundu nawo wakuwonye okio lo Kristo-hu Yesu hamu na wuitori wo mlungana.

WaRoma 15:20,21 Indi ngakunyasha njidi kye njechiongoya Ndumi ii ya Sia kundo kulandesendyo rina lya Kristo, njilawone njechihenda iwika mba ipfo kundo ungi awehye-ho otende. 21 Kya indi kihendekye chando kuukurehye, "Iwo walandeongoyo mbonyi tsake wahende imbona, na iwo welandeicho kyake wahende immania."

Mawuto 2:36,37 "Kyasia mba ya Israeli yose iketawuka imanya kya lohi, ke Ruwa nyi alemtana Mndumii na Kristo, Yesu cho mlembambya msalabenyi." 37 Wekiicho wadi iki kikawakora ngoo tsawo wakawia Petro na wasu walya wengi, "A luwikewo luda, lanye wanawawama wadu?"

WaEbri 4:2 Kyamba naso luiwaongoye ndumi ya sia chawo. Indi idedo lilya waleliicho lilewaekya kindopfo kipfa yadanya lyawo lilawelungyo mwidikye.

Yeremia 24:7 - Matayo 22:37 Nao kambia, "Nyi ochikunda Mndumii opfo Ruwa, umkunde na ngoo yapfo handu hamu yose, na mrima fopfo fose na mahio hapfo hose.

Mawuto 16:14 Mka umu ewio rina lyake nyi Lidia ai mka mokumba nguo tsa king'aring'ari ai o kikunyi kya Tiatira aowoye Ruwa kaluadanya. Nao Mndumii kamtambarwo ngoo naringe necha madedo halya hechidedo nyi Paulo.

Matayo 13:14-16 Nyi kundu kuhoye ipfo kowo kisuku kilya Yesaya ahambye kehamba, 'Kya iicho mochiicho, mlemanya ma kindo, na yambuo mochiambuo mlewona ma kindo. 15 Nyi ili mrima ya wandu wa oruka-lu ii mumire. Na madu hawo hakawa nyi malemeri yadanya Na meso hawo nyi watsingiri. Nawo kundo walewona na meso ma iicho na madu, ma imanya kindo na mrima wawone wewuya na numa, na inyi njiche iwakira.' 16 Kya indi sia na yanu nyo meso hanu, kyamba nyi haiwona ishi mokewona na madu hanu hakaicho ishi mokeicho.

Yesaya 6:9,10 - Mawuto 28:27 Kyamba ngoo tsa wandu wa tsii njiumire na madu hawo nyi wai walemeri yadanya, na meso hawo nyi wahapfumbye walashike iwona kui meso hawo nyi iicho kui madu hawo na itawuo kui ngoo tsawo na iilacha mahio hawo kundu njiwakire.

Marko 4:11,12 Nao kawawia, "Nyo mu wainenge imanya mbonyi tsa Wumangi wo Ruwa tsi njirike, kyaindi walya wa nja wawio shose ku mafanano. 12 Kundu yambuya waambuye ma walawone, na yadanya waadanye ma walamanye, chila wudo wechihalukya Ruwa nao nawahorie."

Yohane 12:39,40 Na kimaduma walaidima imwidikya nyi kilya kingi Yesaya alededa kyehamba. 40 "Ruwa nawahye meso hawo kaumira na ngoo tsawo kundu walahende yambwo na meso hawo, ma ichihio na ngoo tsawo wawuyei nyi Mndumii ahamba, na inyi njiwakire."

WaRoma 11:7,8 Kikuwukye-ho ki kyemanya ngesa? Waisraeli walekoya kilya waweikipula-pfo mtsuharo fulya nyi fulekikoya. Indi walya wengi wakakuumira. 8 Chando kuu-kurehye, "Ruwa nyi alewaenengya mumuyo fo ihombya na meso halaambwo na madu halaicho shika mkonu fo inu."

2 WaTesalonyikye 2:10,11 Na kui mtambo yose ya ifurunja wuhorotsu yechilemba iwa wai-wadetse kipfa walalekunda iambia kii kili kilya wakiro. 11 Nkyo kyatewa Ruwa kawawika pfinyenyi odetso loitika wahende idikya kii-wongo kilya.

Matayo 13:18-23 "Keadanyenyi ng'u nyo mbonyitsi tsa mfanano tsa mndu mbaai o mbeu. 19 Orio mndu ose ili ekeicho dedo-lyo lya mbonyi tsa wumangi nalamanaye, nyi ichu mbicho acha napfo karakuo-ho kilya kii kiwaaye ipfo mrimenyi koke Nyio ichu ambaye oo mbarinyi ya njia. 20 Na ichu ambaaye handu hawode maho nyio ichu echiadanya dedo lilya naho kakambira iliidikya na sia. 21 Kya indi alawode mri asotsye ipfo kiidi kyake, nyi akeri nyi mokaa-ho owe. Indi kambona kuiho wukiwa na iterengyo kipfa kya idedo-lyo nahonu kakambira isukyo owinyi. 22 Na ichu a mbaaye kiidi kya msha nyio ichu echiadanya idedo-lyo. Kukakaa-pfo mawina ha kunu orukenyi na wulembi wolembo nyi masaa shikafumba idedo-lyo lilakikumbye-se kilimu. 23 Kya indi ichu a-mbaaye ipfo terinyi njicha nyio ichu echiadanya idedo-lyo na ilimanya naho kahenda ikumbya kilimu. Ichu umu kawika ihana, na ichu ungi makumi harandaru, na ichu ungi makumi hararu."

2 WaKorinto 3:15,16 Kya indi itane inu oryo mandi Mose echisomo kishikya kilya kyashikya ngoo tsawo. 16 Indi mkonu wakuhalukya Mndumii kishikya kilya kyechiwuto-ho.

Hosea 11:3-7 - Matayo 11:28-30 Kekucheenyi na koko nyo, mukeri iwina muwei walemye nyi marjo malemeri; na inyi njimuwihiye moo. 29 Kekudikenyi ngada njioke nyi inyi muche kuloshyo nyi inyi! Kyamba inyi nyi mhoo njikeri na mokunyinyira kui mrima. Naho mochiwona koonyonya ko mrima yanu. 30 Nyi ili ngada njioke nyi inyi nyi nyioloru na irio lyako likaanguo."

Mawuto 26:18 Nowaambure meso hawo, waindukye sa, wawuke wuitorinyi wo Satan wahalukye Ruwa, waambuye mhorye fo manyamaro na iwada kyora, kii kya walya wai wailishe kui mwidikye fonjiidikya inyi.' "

2 Timoteo 2:24-26 Indi mundi o Mndumii nalawe moloya. Kya indi kimbari naololye wandu wose nawe mlosha mcha akutirisie shiwicho shilya aiwutio. 25 Echidedya kiomboho walya walehanyi nao kulako Ruwa echiwailachia mhie nawaenenge idumbuya na imanya kii-wulohi wawuye isanjika mdo. 26 Mhie yawo mcha iwawuuye-se; waturuchuke ipfo mshihodinyi fulya fo Satana wai wapfunge nyio kyewatana iindia shilya akundi.

Otambahaluo 3:17-19 Kyamba uhambye, ‘Inyi njii msuri njiwode shako sha mweena njilawurye ma kindo.’ Ate kulaichi kye ui mrohye, utorowae kudi, ui maliomba, ui mpfu meso, ui kitare. 18 Ngakuikimba, kunda ihura koko sahabu inlangishe-langishe modonyi kundu uwe msuri lohi. Nohure, na mrae iya mwili, ukushikye nayo, kundu kulawono wusutsu wo kiranguo kyapfo. Hura-da na mafuda mecha heshiia meso hapfo kundu uhende yambuo. 19 Iwa njiwakundi ni jekewatutuma na iwatorisha. Aka wulalu udumbuye, wanza mrima lekena na manyamaro hapfo.

2 WaKorinto 7:10 Kyamba fowa si tsii njamtse nyi Ruwa tso tsiende mdumbuye fowika-ho okiro fulai na samanya; indi fowa tsii njamtse nyi wuyana wu tso tsihendende opfu.

1 WaMangi 18:37 - Ruwa turn heart back to Ruwa

2 WaKorinto 4:4 Nawo nyiwo Ruwa lya kiwulalu ki lilewaha mhie ya walaidiki wo, ngeela ya ndumi ya sia ya wuitori wo Kristo ilahende iwalimika. Nao nyi awakte Ruwa.

Luka 8:11-15 “Na ifanano lilya nyi ili; mbeu tsilya nyi idedo lya Ruwa. 12 Na tsilya tsa mbai ya njia nyiwo iwo weadanya; numa Satana kacha iwuta kidedo kilya ipfo ngoonyi tsawo, kundu walawone wechiidikia wakiro. 13 Na tsilya tsa iholu nyi iwo wekeicho idedo lilya wakaliwada na sia, indi kindo walawode nyi mri, nyi wandu wekeidikia owere kitutu, na kiheri kya mahesho wakakuletsana-ho. 14 Na tsilya tsiolokie mshenyi nyi iwo wekeadanya idedo, wakahenda ishingio nyi akusaro ha wukiwa na masaa na malango ha moo-fu, walakikumbie ndunda. 15 Indi tsilya tsa terinyi njicha, nyi iwo wekeicho idedo lilya, wakaliwada na ngoo njilalutsu wakakumbia ndunda na itirisia.”

Mawuto 15:11 Kya indi lukusirye ke nyi wutonga wo Mndumii Yesu wuwen nyi woluinenga lohenda ikiro njia imu nawo.”

WaRoma 8:13 Kyamba kokooya mokapya moo mui-waitike nyi nyama tsanu mokunda ipfa. Indi komkoya mowaha mbutie ya nyama tsanu njiwicho mui-waitike nyi Mumuyo nyi mochiwada moo.